

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0063329 25
Zenica, 04.08.2025. godine

**OPĆINSKI SUD U ZENICI
-sudiji za prethodno saslušanje-
ZENICA**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

O P T U Ź N I C U

Protiv:

1. N. S.1, neosuđivan,
2. N. S.2, neosuđivan,

što su,

1.N. S.1sam,

Dana 03.01.2025. godine oko 20,55 sati, u Z., pucanjem iz vatrenog oružja izazvao opasnost za život ljudi i imovine, tako što je krećući se vozilom marke AUDI reg. br. ... koje je u vlasništvu njegove majke N. M., Ulicom B.iz pravca kružnog toka prema mostu, te prolazeći pored U.O. „B.“, iz vozila u pokretu, ispalio nekoliko hitaca iz vatrenog oružja - pištolja uputivši se zatim u pravcu Policijske stanice C., odnosno prema svojoj kući na adresi L., gdje je vozilo kojim je upravljao ostavio u garaži, a zatim se uputio u nepoznatom pravcu, svjestan da pucanjem iz pištolja iz vozila u pokretu, prolazeći pored ugostiteljskog objekta, izaziva opasnost za život ljudi i imovine, a što je i htio,

2.N. S.2, sam,

Dana 03.01.2025. godine oko 22,20 sati u Z., u Ulici L., gdje je na istoj adresi na kojoj živi u zajedničkom domaćinstvu sa suprugom N. M. i sinom N.S.1, u garaži pronađeno PMV marke AUDI registarskih oznaka ... vlasništvo N. M., a iz kojeg je N. S. istog dana oko 20,55 sati dok se kretalo u Z. Ulicom B., kod U.O. „B.“ pucao iz vatrenog oružja-pištolja, na kojem vozilu je prilikom vršenja uviđaja od strane policijskih službenika, vizuelnim pregledom vozila, pronađena jedna metalna pištoljska čahura kod brisača na prednjem dijelu vozila, pa s ciljem da spriječi dokazivanje u sudskom postupku u Federaciji, a znajući da je njegov sin N. S.1 prethodno počinio krivično djelo iz tačke 1. ove optužnice, istu čahuru, prilikom izlaska iz garaže poslije policijskih službenika, a prije nego što su policijski službenici fotografisali lice mjesta, sklonio sa vozila i odbacio preko puta na nepoznato mjesto, svjestan da sakrivanjem

navedene metalne pištoljske čahure koja bi poslužila kao dokaz, sprječava dokazivanje u sudskom postupku, što je i htio

čime su počinili: N. S.1 pod tačkom 1. krivično djelo „Izazivanje opće opasnosti“ iz člana 323. stav 1. Krivičnog zakona Federacije Bosne i Hercegovine, a N. S.2 pod tačkom 2. krivično djelo „Sprječavanje dokazivanja“ iz člana 349. stav 2. Krivičnog zakona Federacije Bosne i Hercegovine,